

欽定剿平粵匪方略

欽定勦平粵匪方略卷三百六十九 甲子年

三月二十六日

丙寅

左宗棠奏言杭州餘

經官軍攻克後逆賊一趨武康一趨德清臣以武康德清爲湖州屏蔽石門爲通杭湖要道必先克此三城而後可進圖湖郡當飭楊昌濬督率各營由甌窰安溪關進規武康飭蔣益澧分軍進規石門德清飭李耀南等馬步七營出孝

豐武康之間截勦竄賊楊昌濬等疊破箠頭上  
陌各賊卡進攻武康縣城先是武康逆目吳開  
俊曾遣人通款於羅大春約爲內應楊昌濬令  
羅大春率所部先進曉以禍福一而飭余萃隆  
等各率所部駐上陌偪之時陳逆炳汶汪逆海  
洋及侍輔利來各賊酋屬聚德清賊衆不下十  
數萬三月初一夜張聲恆密遣降人乘夜潛入

賊中燒燬賊營賊館數處羣賊驚擾達旦初三日紛紛由德清遁入武康羅大春率親兵遇賊於黃洞橋殺賊數十名溺死無算立將黃洞橋拆毀連夜各營分伏武康城邊用火器攻擊城賊大震降人楊芸桂等約爲內應初四日羅大春等薄城環攻逆首吳海勝憑卡抗拒楊芸桂等開門迎納官軍吳海勝棄卡逃遁羅大春等

一面入城一面分兵追剿直抵三橋埠適德清之賊大股擁至吳海勝復率衆回鬪官軍扼橋抵禦排礮轟擊斃賊數百名賊始敗走立復武康縣城其德清一路經蔣益澧令高連陞王月亮兩軍進駐上七鋪地方探悉陳汪二逆將由德清竄走侍逆殿後初五日高連陞馳抵城西見城賊開門逃竄高連陞等策馬衝入詎街巷

破屋中伏賊突起出城之賊仍折回抗拒高連陞等併力猛攻自辰至未鏖戰四時之久城賊洶懼棄城而遁官軍分路追殺擒斬悍賊數百名奪獲大小船隻數十號當將德清縣城克復蔣益澧復飭李邦達等進逼石門踞逆鄧光明山城乞降初五日將縣城收復臣與蔣益澧提訊鄧光明據供罪民久已蓄意投誠因爲陳炳

汝所偏不能猝脫現惟束身歸命以俟刑誅臣  
見其左手已廢脰瘠特甚縱令乞降非真抑亦  
殺之不武旣不忍以其求生而置之死傷

朝廷好生之仁更不敢因前奏該逆業已陣斃稍  
涉迴護因傳令免死令挑其黨之悍者分爲數  
營隨同進剿以規湖郡其先竄德清之僞利王  
僞來王一股繞出武康之西圖竄孝豐初五日

李耀南等督率各營出箠頭嶼截擊該逆急向  
荻浦竄去正追殺間陳炳汶一股續又竄至  
邦光率隊從旁殺出斃匪數百名賊勢大潰利  
逆率衆回援劉明燈等馳至夾擊又斃賊數百  
餘逆棄械狂奔官軍乘勢追殺斃賊無算拔出  
難民數千該逆經官軍疊次痛勦人心渙散李  
侍賢楊輔青陳炳汶等逆圖分路以竄廣德孝



豐黃汝金李遠繼等逆圖守湖郡及見官軍偪  
近李遠繼又欲由安吉以竄甯國初八日高連  
陞等乘賊勢紛亂率師急進行至離湖州四十  
里地方遇賊隊纒擁而來縱兵大擊斃賊數千  
名焚燒賊船千餘號羣賊望風潰竄頃據探報  
前由孝豐竄去賊股已繞從千秋關太陽埠竄  
至昌化縣境臣前因蘇皖諸賊屬聚湖州卽慮

突犯上游擾我完善當飭分水新城嚴州遂安  
各處守軍嚴防並調康國器張聲恆兩軍赴臨  
安截勦現賊旣悉由廣德孝豐上竄嚴遂之防  
尤爲緊要臣又加派劉清亮各軍由新城赴嚴  
州唐學發等營水師於桐嚴一帶梭巡各軍若  
前後夾擊或可聚而殲旃卽有漏網他竄臣當  
督飭各軍出境追勦務將此股肅清此次尤爲

出力各員謹先行開列懇請分別獎勵其餘出  
力員弁可否由 臣存記俟克復湖州彙案保獎  
山自

天恩

左宗棠又奏言 臣於三月初二日進駐省垣巡  
視各城垛身閒有轟坍之處尙易修葺惟駐防  
城身概行拆卸房屋但存牆壁省城以內倉庫

衙署蕩然無存街市房屋大半拆毀存留遺民  
及陸續來歸者合計不過數萬口現已遴派官  
紳設立賑撫局收養難民掩埋屍骸並一面招  
商開市一面將急須修濬工程辦理以期通商  
惠工暫救時局其餘善後事宜容再次第籌辦  
奏入

上命議政王軍機大臣傳諭曾國藩左宗棠李鴻章

沈葆楨曰武康德清爲湖州屏蔽石門爲通杭湖  
要道現經左宗棠督飭各軍次第克復該逆屢受  
懲創人心渙散官軍自可乘勢進取湖州惟賊酋  
李侍賢楊輔青陳炳汶等圖竄廣德孝豐李遠繼  
又欲由安吉以竄甯國而竄往孝豐之賊已繞從  
千秋關太陽埠竄至昌化縣境該逆窮無所之希  
圖突犯上游苟延殘喘左宗棠卽嚴飭水陸各軍

前截後追乘該匪喘息未定聚而殲旃毋任漏網  
他竄江忠朝曾否已抵江省陳鳴志等所統江忠  
義舊部現紮何處著沈葆楨酌度機宜或卽派此  
軍赴江西浙江毗連處所扼要駐紮以杜該匪上  
竄之路如已乘間闖入江境卽著左宗棠檄飭諸  
軍迅速越境追剿務將此股竄匪悉數殲除俾江  
省得以悉力南豐新城肅清腹地高連陞等率師

進趨湖郡此時計已緊偏城下左宗棠當乘機鼓舞令其迅拔堅城廓清全浙前因嘉興克復諭令李鴻章督率李朝斌等會同浙軍設法進取湖州現在浙軍業已前進著李鴻章分兵會剿兩路夾擊用收速效廣德甯國一帶係湖賊出竄要衝李侍賢等又有圖竄廣德等處之議該處防剿正緊會國藩前有會同浙師在徽浙之交節節布置之

奏刻下廣德甯國等城防兵是否足資分布著曾  
國藩妥籌調派務將廣德甯國一帶賊竄之路嚴  
密堵截毋稍大意鄧光明束身待罪左宗棠見其  
左手已廢疴瘠特甚准暫免一死辦理自屬正大  
所部悍黨現經分爲數營隨赴湖州攻勦並著左  
宗棠密飭湖州各營將領加意防範毋令別滋事  
端江西大兵雲集所有竄踞南豐蔓延新城之賊



著沈葆楨激勵將士痛加勦洗務使前竄股匪盡  
皆殄滅庶後股不敢接踵而來杭城兩次淪陷被  
禍尤酷存留遺民及陸續逃歸者合計不過數萬  
覽奏曷勝矜憫左宗棠現已設局賑撫收養難民  
並將善後各事宜逐一興辦卽著督飭在事官紳  
認真經理不可有名無實

上諭內閣曰浙省官軍克復杭州餘杭後餘匪分竄

武康德清等處經左宗棠派令楊昌濬蔣益澧等  
分路進攻三月初四日將武康縣克復德清一城  
經高連陞等併力猛攻賊勢不支棄城而遁德清  
縣城亦卽收復蔣益澧復飭李邦達等進逼石門  
踞逆鄧光明出城就撫於初五日收復石門縣城  
李耀南等並將圖竄孝豐匪股迎頭截擊殲斃無  
算拔出難民數千名勦辦均屬得手著左宗棠督

飭諸軍一面搜勦敗賊一面迅拔湖州府城肅清  
全省尤爲出力之知府李耀南著以道員仍留浙  
江補用直隸州知州李邦達著以知府留於浙江  
補用副將劉明燈著交軍機處記名遇有浙江福  
建總兵缺出請旨簡放余萃隆著以總兵留於浙  
江福建補用其餘出力員弁准由左宗棠存記彙

案保獎

二十七日

丁卯

官文嚴樹森奏言欽奉

諭旨漢中賊匪沿江而下令臣等相機防剿漢中之賊本有分三路東下中至鄖陽南至竹山北至商州之說嗣據探報僞扶王僞天將倪逆等由商南太吉河一帶竄至浙川之西坪其後股僞端王僞遵王僞啟王各逆因鄖邊有備亦由鎮安山陽一帶接踵東趨已至雒南之灰池地方

皆係由陝西邊境陸路行走並無由漢江水路而下者前說自係傳聞之誤惟髮逆頭股已由內鄉竄至鄧州之厚坡距河口僅數十里勢將與陳大禧一股會合後股竄至雒南又將與竄往嵩盧之張總愚捻股會合秦楚豫各邊千有餘里數十萬之賊屬聚其間實爲可慮髮逆意在取道楚豫救援金陵此時我軍全注上游更

慮其以一股牽掣各軍另以大股繞由唐桐信  
羅一帶闖入隨德以趨下游則腹地空虛更形  
喫重臣等已飛飭梁洪勝一軍探明髮捻各匪  
如有分股由鄧新東下之信卽速回軍內顧河  
口距鄧陽不遠亦飭梁作相嚴爲戒備樊城各  
河道現有唐瑞廷等礮船分段駐守又將嚴定  
國原帶礮船二十隻分撥該二員管帶以厚兵

力至下游沿江一帶爲髮逆赴皖之路已飭蕭  
恆勝將所部五營分守黃岡黃陂黃安各城池  
又將由皖調回之萬化林李濟清所部礮船爲  
江湖游擊之師並咨會舒保督帶馬隊至孝感  
之小河司與石清吉相機堵扼奏入

上命議政王軍機大臣傳諭僧格林沁官文嚴樹森  
張之萬曰漢南髮逆已竄至鄧州之厚坡將與陳

大禧一股會合後股竄至雒南又將與竄往嵩盧  
之張總愚捻逆合股楚豫各邊防務喫重官文等  
現派水陸各兵防堵上下游所籌均尙周密第賊  
勢正盛而官軍分布各處必須總統有人方能專  
權歸一著官文卽日出省督師分飭各路將士將  
西趨老河口捻股乘勝勦滅並偵探髮逆蹤跡迎  
頭截擊毋令與捻匪蔓延爲患嚴樹森居守省垣



務將漢黃一帶嚴密防範僧格林沁移軍嵩縣計  
張總愚一股不難剋日殄除惟髮逆頭起竄擾鄧  
州境內後股又竄雒南必須痛加勦洗方能遏其  
兇鋒不致竄擾腹地著僧格林沁會同張之萬督  
飭南路各軍與楚師兩路夾擊速殄賊氛

二十八日  
戊辰毛鴻賓奏言探報金陵逆賊偽侍

王李侍賢分大股上竄其前隊廣東花旗股匪

已由浙繞越江西之廣豐玉山漸及撫州建昌地界獲賊供稱該逆有回竄粵東之意查咸豐六年廣東紅匪大股數十萬人竄擾吉安等處會石達開至臨江勾結其衆另編花旗股匪肆擾多年其黨與散歸者亦數萬人時虞蠢動前聞侍輔諸逆有由福建江西回竄廣東之說臣前度該逆乘閒上竄爲浙蘇皖之軍偏勦窮蹙

糧道漸斷必分股肆擾出險求生以冀掣動官軍進規杭湖之勢以大勢論之江楚當防其竄擾未必遽及廣東及聞侍逆大隊爲浙師所截獨花旗及沛逆一股裹糧疾馳先期竄入江境是此股賊匪本無定向又非若侍輔諸逆與金陵有互相維繫之心其回竄廣東勾結黨與以圖一逞亦情勢所應有粵東伏莽徧地尤易勾

結蔓延不可不早爲之備現在足備堵剿者僅  
有張運蘭所部湘勇三千人臣現飭移紮南雄  
州探明賊蹤相機辦理兼顧韶南一帶邊防如  
賊已占踞城邑卽當越境助剿以期聚殲復飭  
知府劉德謙管帶信字營移紮樂昌以資鎮壓  
仍飭添募楚勇三千人期與張運蘭一軍相爲  
犄角以厚兵力其嘉應州一路毗連福建江西

兩省道路紛歧擬飭副將方耀挑選所部潮勇  
三千名駐紮鎮平兼顧平遠大埔邊防現准閩  
浙督臣左宗棠來咨飭令張運蘭挑選所部二  
三千人馳赴福建臬司本任臣查廣東現存兵  
勇均不得力此時張運蘭一軍未可輕離粵境  
如探明撫建一帶官兵可以合圍環攻杜其四  
竄卽當飭令張運蘭酌量會勦顧全大局奏入

上命議政王軍機大臣傳諭左宗棠毛鴻賓徐宗幹  
郭嵩燾曰皖南竄越江西逆黨早有由新城等處  
圖越閩境光邵一帶者並有回竄廣東之說誠不  
可不豫爲之防前據左宗棠奏請飭福建臬司張  
運蘭前赴本任以資防勦此時張運蘭一軍不可  
輕離粵境而閩省防勦亦亟須豫籌布置著左宗  
棠徐宗幹迅催曾元福內渡之軍回顧腹地以資

調遣其南韶與嘉潮兩路均屬不可大意而嘉潮  
民俗尤悍逆匪由閩之邵汀一路奔趨路尤徑捷  
且恐其黨與散歸者於該處爲多張運蘭如移紮  
此路相機堵剿於閩省聲息較通卽以劉德謙新  
募楚勇專防南韶亦覺便捷著毛鴻賓等妥籌辦  
理

二十九日己李鴻章奏臣於三月初十日由

青暘行抵常州十四日徧察城西賊營橫亘二十餘里分爲兩路一當西北通丹陽一當西南通金壇中夾運河左右環紮形如列星訊據逃賊供稱踞逆僞護王陳坤書所部人衆數萬蘇錫宜溧敗賊併歸常州又添數萬現城內外衆尙十萬惟兩廣悍黨尤多因溧陽路斷丹陽金壇又有官兵圍攻無路可竄城中糧食尙支四



五月護逆決志死守待援等語臣飭劉銘傳由北門先攻西北遠處賊營破其一座乘勢進攻新橋三管用炸礮轟塌營牆數丈劉銘傳親督將士大呼齊進立將踞賊七百餘人圍殺淨盡護逆率衆渡河來援將過浮橋賊壘已破黃翼升劉銘傳乘賊半渡揮衆迎擊賊匪落水死者千餘人南岸頭營二座亦卽潰退十七日臣先

令王東華帶水師三營由隔湖萬年橋進擊郭  
松林楊鼎勳合攻陣渡橋大石壘復調程學啟  
礮隊協攻自辰至午壘賊死力堅拒揚鼎勳親  
率將士奮呼殺入郭松林帶隊填濠而進令易  
用剛繞堵賊壘後門賊屢衝不出悉數擒斬迤  
南三營相繼潰走郭松林督軍追殺連踏賊壘  
六七座鄭國魁築營新牖賊隊隔河相拒劉銘

傳分搭浮橋過河猛追賊不能支王東華礮船  
適由三河口衝出軍勢正合臣與李鶴章飛調  
周盛波等折回向西北與劉銘傳前後夾擊賊  
衆緣河狂奔自相蹂踐死者甚衆王萬釗曾明  
魁以槍隊排擊斃賊無數有廣賊數千回戈迎  
戰郭松林等縱橫衝殺擊斃二千餘人又踏平  
沿河賊營二十餘座鄭國魁張桂芳卽扼紮河

北高壘三座郭松林楊鼎勳扼紫河南堅壘五  
座於是丹陽金壇兩路俱斷祇西門城根尙有  
賊營六座緊護城身小南門尙有賊壘一座土  
營兩座十八日張樹聲周盛波合攻小南門賊  
營劉銘傳郭松林合攻西門賊營羅榮光用炸  
礮轟倒小南門橋上石卡周盛傳乘勢攻奪土  
營及石營之賊皆潰我軍擒斬多名張樹聲復

督隊向西門追擊賊方踞高阜拒戰張樹珊等直衝而入繞出賊後賊衆駭奔張樹聲乘勢攻奪一營殺斃悍賊數百名郭松林劉銘傳等由西北兩路夾攻復踏毀靠城賊營三座其西北城角兩營亦卽潰退時護逆在西門城頭見各營不守立將城門堵塞營中潰賊多係兩廣悍衆盡向城根奔竄各軍三面擠殺填屍盈河所

有城外賊營數十座一律掃平我軍分壘屯駐  
長圍已合戈登屢請帶隊協剿常州臣准令前  
來適於十八日趕到西門正我軍合力攻營之  
候亦以炸礮助剿查蘇省賊衆屢敗併聚金陵  
常州兩城拌死鏖險互爲犄角若任其他竄必  
貽鄰省無窮之憂茲因嘉興克復湖州之賊全  
數上竄蘇省東南防務稍鬆自應併力常郡設

法攻城臣飛調劉士奇王永勝帶五營行隊用  
程學啟攻嘉興巨礮分攻正南門小南門令劉  
銘傳炸礮隊攻北門郭松林攻西門張樹聲攻  
東門約期並舉惟常城係各路敗賊精銳所集  
約有十萬其兩廣悍衆積年死黨一旦窮蹙無  
歸勢必拚死拒守爲萬死一生之計臣惟設法  
招撫一面開礮轟擊脅以兵威仍離其衆心相

機妥慎籌辦

同日馮子材魁玉奏冒丹陽逆匪自西路被劫  
後援賊屯聚東北聯營築壘悉力相持三月十  
九日大股悍賊先後圍撲遊擊胡世英等前敵  
各營總兵詹啟綸督飭所部開放槍礮壘殲前  
鋒逆目多名賊始敗退我軍仍由黃墟禹王廟  
一帶進徧臣等因羣逆趨重東北勢漸蔓延慮



其關入新豐抄截官兵後路二十一日臣馮子  
材率親軍小隊馳赴新豐察看東北一路逆巢  
聯築九壘餘皆沿村包紮縣互十餘里因囑詹  
啟綸相機堵剿隨由張官渡過河自北門至西  
路查看總兵張文德各營是夜卽派勇五成疾  
搗西門並攻勦十里牌逆壘以牽綴東路之賊  
竟夕環攻擊斃守堞之賊無數旋聞金壇之賊

紛紛外竄提 田 鮑超紮營西洋截殺甚衆查金  
邑既下丹陽各逆聞風喪膽亟應乘機規復當  
派各營於二十二日徑搗西南兩門暨附城逆  
壘副將楊青山等分三路齊發副將汪柱元帶  
隊策應一面函令詹啟綸同時大舉楊青山等  
銜枚疾走直游城根賊於城上開放大礮我軍  
奮力攻擊槍礮環施焚燬附城逆卡數處殺賊

甚多時詹啟綸派馬步各營直撲黃墟一路逆  
壘賊見西路攻城甚急未敢離巢抗拒我軍四  
面兜剿斬馘無算當將該處逆巢九座全行奪  
毀仍飭詹啟綸張文德等乘此聲威迅圖攻克  
至鎮城根本重地當此逆氛潰竄尤當加意防  
維臣卽日回城督飭留守各營晝夜梭巡未敢  
稍涉大意均奏入

上命議政王軍機大臣傳諭曾國藩李鴻章馮子材  
魁玉曰李鴻章由青暘赴常督率各軍將城外賊  
壘數十座全行踏毀官軍分營屯駐業已四面合  
圍諸軍踴躍用命甚屬可嘉惟城賊陳坤書與各  
路敗賊麪集其中且多兩廣積年死黨勢必拌命  
死拒此時官軍長圍已合該逆飛走路窮李鴻章  
仍當穩慎圖功以策萬全所稱湖州之賊全數上

竄究係竄往何處湖州曾否收復李鴻章如果探  
實卽著先行馳奏鎮揚各軍會剿丹陽城援各逆  
屢有殲馘丹陽之賊經馮子材親往西北各路察  
看布置飭令各軍聯絡堵剿奪毀附城營卡並聞  
金壇賊已紛紛外竄鮑超紮營西洋大加截殺是  
金壇一城已爲鮑超攻拔丹賊更必聞風喪膽著  
曾國藩卽飭該提督迅移得勝之兵與鎮揚各軍

會攻丹陽以期速拔兩邑連下常賊之勢益孤攻  
勦更易得手馮子材以鎮防緊要旋即回城著仍  
嚴密周防毋令賊蹤潰逸

李鴻章又奏言遇缺提奏提督江西南贛鎮總  
兵程學啟前攻嘉興府城槍子貫入頭腦既絕  
復甦回營醫治進藥數劑言語神氣稍爲清楚  
臣於三月初二日出省赴楊庫督勦復往看視

程學啟言賊雖潰敗勢悍且衆請飭諸將慎重  
撻擊又言人才難得恨將死不能爲

國家驅除殘寇輒哽咽流涕向臣太息臣猶勉以

安心調治並囑地方官時往照料追臣追賊至

青陽忽接省信以程學啟日漸危篤傷處成洞  
時有髓流火毒貫喉六日滴水不入惟神志尙  
清初九日囑家丁爲穿

御賞黃馬褂望

闕叩頭旋繞室行走數步見案上有茶舉杯至口  
不能下咽悽然淚下並令其營務處知縣韓杰  
馳赴出處囑專心勦賊不及等候回省語不及  
私臨絕時大呼心事未了

聖恩未報腦漿迸流當於初十日子刻出缺臬司郭  
柏蔭督同府縣親視含斂料理後事臣適行抵



常州接信不勝悲悼各營將士慟哭失聲江浙  
遠近官紳士民無不同聲呼愴查程學啟籍隸  
安徽桐城遭亂被擄陳逆四眼狗欲重用之程  
學啟嘗自逃去爲賊追回拘繫不得脫咸豐十  
一年四月間今浙江撫臣曾國荃督軍進偏安  
慶程學啟密赴會貞幹營中納款曾國荃兄弟  
見其志趣忠勇迥異尋常遂留營帶隊旋克復

安慶省城程學啟之功居多 臣奉

命赴滬卽帶程學啟所部兩營東來五月虹橋之捷  
八月北新涇之捷十月四江口之捷皆殺賊近  
萬大挫兇鋒實賴程學啟多謀善戰以少擊衆  
臣因爲程學啟陸續增募至萬餘人部勒嚴整  
所向克捷先後克復青浦嘉定太倉鎮洋崑山  
新陽吳江震澤各州縣二年七月進徇蘇城程

學啟以水陸一萬人由婁門外跨塘逐漸進剿  
苦心經營將城東之寶帶橋五龍橋城北之蠡  
口黃埭城西之澔關虎邱各處石卡賊壘次第  
掃平又兩次遠剿嘉興援賊於八坼平望一帶  
助剿忠逆大股援賊於大橋角望亭一帶分剿  
湖州援賊於太湖東山一帶出奇入險賊中怖  
爲神兵洋槍炸礮爲攻戰利器程學啟隨臣入

溷留心講求晝夜研究去冬克平望堅城今春  
轟嘉興名郡 臣 購覓大洋礮三尊交給演放竟  
能指揮如意功效屢著其深心遠略謀勇精勤  
設使天假之年功業詎止於此今年甫三十五  
歲遽因攻克嘉興隕身鋒鏑每念時事多艱將  
才不易 臣 誠私心痛之程學啟無子以嫡姪建  
勳爲後年尙幼小念其攻克安慶後兩年之間

連復江浙名城十數處並克復蘇州省城似爲  
東南第一戰功可否仰祈

飭部准照提督陣亡例從優議卹並

加恩予諡宣付國史館立傳並於安慶蘇州嘉興各  
府建立專祠以彰忠蓋奏入

上諭內閣曰遇缺提奏提督江西南贛鎮總兵程學  
啟由安慶來歸帶隊攻克皖城上年復隨李鴻章

督兵由滬赴蘇所向無敵兩年之間先後克復蘇  
州省城嘉興府城及江浙名城十數處實爲東南  
戰功稱最朝廷見其謀勇兼優勳勞卓著屢擢提  
鎮賞給世職殊恩異數屢錫褒嘉乃於本年攻克  
嘉興時該提督躬冒矢石首先登城致槍子貫腦  
絕而復甦屢經降旨詢問病狀方冀調治就痊重  
資任使詎意竟因傷重出缺覽李鴻章所奏其臨

絕時猶以不能爲國驅除殘寇爲憾將才難得悼  
惜殊深程學啟著追贈太子太保銜照提督陣亡  
例從優議卹任內一切處分悉予開復加恩予諡  
入祀昭忠祠所有戰績及死事情形宣付國史館  
立傳並於安慶蘇州嘉興各府城建立專祠靈柩  
回籍地方官妥爲照料並著李鴻章派司道大員  
前往賜祭一壇伊子程建勳著俟及歲時帶領引

見侯旨施恩用示眷念勸勞優加褒卹之至意



欽定剿平粵匪方略卷三百七十 甲子年

四月初一日

辛未

富明阿奏言南岸姚家

數千於三月十八日由二道橋直奔江口總兵  
吳全美親督各船會合外委胡占魁等兩而夾  
擊賊卽大潰各弁勇乘勝追殺直抵二道橋下  
該逆過橋不及盡行梟水逃命淹斃無數是日  
又有另股由薛家港至武家橋一帶焚掠經郭

定猷督飭參將林家祚等分路登岸迎擊四路  
衝殺殲斃甚多賊衆又屢於江口紮筏搶渡均  
經師船擊退丹陽援賊連營築壘意在久持十  
九日大股撲我英字等營詹啟綸劄世英等  
堅定固守俟賊蹤偏近開放槍礮轟擊相持多  
時見賊中旗幟散亂詹啟綸卽揮令各軍齊出  
並派隊豫伏高岡兩路夾攻賊衆潰退計共傷

斃悍賊數百名二十日復有馬賊沿村馳繞並  
有步賊千餘四出擄掠亦經詹啟綸派隊擊走  
二十一日馮子材以賊勢趨重東北隨帶親軍  
前往布置並飭詹啟綸胡世英等各帶所部分  
投馳勦該逆不虞我軍驟至均各憑壘死守我  
軍四面環擊銳氣百倍胡世英等躬冒矢石薄  
壘先登賊衆見勢不支出巢思竄經我軍四面

堯勦斬馘無算當將賊壘九座一律踏平餘黨  
四散逃遁詹啟綸復督馬步各隊跟蹤追勦直  
抵丹陽城下城中踞逆甚多一時尙難攻拔適  
准鮑超咨稱二十一日克復金壇黃墟一帶賊  
壘又爲我軍踏平賊勢日見窮蹙正宜乘此聲  
威力圖進取惟臣傷疾雖漸就痊步履尙形艱  
涩不能親自督勦實深悚惕現已嚴飭詹啟綸

會合鎮軍聯絡鮑超之師相機前進迅拔堅城  
並飭吳全美嚴督各防師船晝夜梭巡以杜逆  
氛紛竄奏入

上命議政王軍機大臣傳諭富明阿曰南岸逆衆由  
姚家橋等處直奔江口經吳全美等督帶水師擊  
退另股逆匪復在薛家港等處焚掠又屢於江口  
紮筏搶渡均經水師勦敗賊不得逞仍著富明阿

督飭吳全美等各防師船晝夜梭巡毋稍疏懈丹陽援賊屢經官軍擊敗該匪連營築壘意在持久經各軍四面兜剿將賊壘九座一律踏平金壇縣城亦被鮑超攻拔丹陽賊勢更蹙著卽嚴飭魯啟綸會合鎮軍聯絡鮑超之師相機進拔丹陽以期迅速葺事該將軍傷疾已愈步履尙艱惟當選派得力將弁奮勉圖功毋庸親身督剿以昭慎重

初二日壬申曾國藩奏言句容踞逆僞守王方海

棕因部黨攜貳又聞鮑超大軍將至卽在金壇  
寶堰等處糾結僞翰王項大英僞列王方城棕  
兩大股同守句容三月初五日鮑超親督各營  
冒雨疾馳行過溧水攻破三岔賊卡初六日軍  
次句容所屬之塔岡距城祇十里正在修築營  
寨城中突出三四萬衆密布山岡意將乘我立

營未定悉銳猛撲鮑超卽令周有勝等直前迎敵宋國永等左右環攻戰至數時賊不少卻黃海清等各率騎隊分左右兩路越過田隴直抵賊後婁雲慶更以步隊佐之賊見歸路將斷大譁欲遁我軍且戰且進偪至城下殲賊數千附壘之賊一開散走鮑超料城賊膽落飭令各營徹夜環攻漏至四下忽見城東角火光燭天知



內變已作急引軍東向而賊已啟南門傾巢衝  
出諸將士乘勝截勦斬馘尤多並內應之翟本  
邦等七人將僞翰王項大英僞列王方城棕縛  
獻我軍遂於初七日黎明入城立將句容克復  
派員檻送二酋前來安慶訊明正法距句容四  
十五里之寶堰南通金壇北達丹陽尙有堅壘  
五座維時句容逆首方海棕遁至該處與壘賊

偽顯王袁得厚謀阻進兵之路初九日鮑超率  
隊前往摩壘而攻賊但穴牆施礮堅閉不出是  
夜派婁雲慶等潛伏壘下又派馮標等五路併  
進賊漸不支各軍負草填濠爭先躍入一壘既  
破衆壘俱亂壘中逸出之賊又經伏兵掩殺蹙  
偪入河者無算方逆袁逆遁往金壇丹陽而去  
查句容一城與金壇丹陽鼎足而三實爲金陵

之左輔鮑超率師進剿一戰克捷並執二僞王  
毀五賊壘而金陵亦有日孤之勢裨益全局厥  
功甚偉所有尤爲出力之甘肅涼州鎮總兵馮  
標等先行開列請

旨分別獎勵其餘在事出力員弁可否查明彙案保  
獎出自

聖恩知府田芬參將陽茂泰都司易新勝黃昌陳光

諫守備向忠國等均係力戰陣亡仰懇

飭部從優議卹

曾國藩又奏冒近日杭州賊首陳炳汶汪海洋  
等分道犯徽三月十三日唐義訓戰於徽郡之  
南殺傷相當毛有銘在郡東三十里外迎戰失  
利十四日羣賊併犯郡城圍攻東北兩門力戰  
卻之十五十六等日官軍出城奮擊均獲勝仗

詎湖州僞侍王大隊續由昌化而來十七日唐  
義訓毛有銘渡河進勦竟大挫於楊村刻下嶺  
內徧地賊氛微休祁踞四城岌岌難保而賊之  
前隊已紛紛由龍灣婺源上竄江西後股續至  
者猶復絡繹不絕蓋侍堵輔三巨酋實有二十  
萬衆自湖州克後悉數由徽竄江其杭餘德清  
武康之賊數亦甚多金壇丹陽業經鮑超會同

鎮揚兩軍克復常州亦有克復之信計蘇境各  
賊皆將繞由浙皖竄犯江西臣現調石埭二營  
青陽四營入嶺援救徽州又調鮑超全軍回援  
江西道途太遠竊恐已落賊後欽奉疊次

諭旨詢臣能否親往金陵督辦攻剿目下徽境賊勢  
如此浩大上游無所稟承臣自不宜前赴金陵  
顧彼失此所有金陵圍師仍責成曾國荃一手

經理臣囑其不可令大股衝出貽患他方並囑  
萬一金陵倖克卽由曾國荃彭玉麟楊岳斌將  
大概情形先行馳奏以慰

聖懷其詳細戰狀則轉咨官文與臣會奏至漢中髮  
捻各匪前聞竄至鄧州內鄉之交頃接稟報鄂  
軍成大吉等於三月初六日在樊城附近大獲  
勝仗賊已全竄豫境該逆欲以舟師水路下竄

援救金陵斷無可慮所慮者由豫皖陸路衝至  
鳳潁廬州巢縣一帶據船南渡圖解金陵之圍  
是應防者在安慶以下之江面不在蕪黃以上  
之江面也臣現咨商楊岳斌彭玉麟於浦口以  
上七百里要津渡口節節布置以防漢中東援  
之賊至鄂中需用水師該省本有礮船四五百  
號下游如楊岳斌全軍向食鄂臺之餉朝調夕



至前准官文嚴樹森咨調李濟清萬化林二營  
臣飭派前往想已到矣前奉

諭旨飭於楊岳斌彭玉麟二人中酌分一人溯流而  
上統帥鄂省陸軍之處俟接到官文來咨再行  
酌度辦理

曾國藩又奏言臣向患嘔吐之證三月二十二  
日復行舉發二十四日忽然眩暈左手左腳疼

痛異常起坐不便延醫診視據云非調理得宜  
恐成偏廢之證臣忝縮兵符將近四年尙未克  
復金陵悚仄方深若遽嬰疾不能治事尤增愧  
憾幸右手尙能勉強作字而年未六十或不至  
竟成痼疾惟有仰懇

天恩俯准賞假一月在營調養一俟病痊卽當奏明

銷假

同日沈葆楨奏冒髮逆竄至新城署知縣唐先霖集團迎勦小有斬獲另股由閒道犯城該署知縣率團入城守禦三月初二日賊向城南場處猛攻遂被闖入唐先霖及把總劉興榮退守皮家源初七日道員陳鳴志等統六成隊並唐先霖所集鄉團攻東門外之南山亭賊悉銳來拒盪決數次遊擊權光輝等裹創血戰殺賊甚

多都司邱采芹守備谷開文殞於陣初九日提督黃仁遺等冒雨由張司嶺進紮大漢嶺陳鳴志等統隊護之賊蠱擁來爭殲其前鋒二三百名後者遂退我軍連夜築壘修濠未畢賊隊屬集陳鳴志等飭各營堅壁以守俟其近壘擊之賊恃衆猛撲我軍連開巨礮擊斃七八十人賊卻而復集黃仁遺率所部出擊鏖戰三時賊氣

稍沮王順慶等潛從左右路繞出賊後邵善居  
等同時繼進羣逆奪路紛逃自相蹂踐我軍勇  
氣百倍斃賊四千餘人生擒七十餘人據逃出  
難民供稱賊有他竄之勢是夜四鼓唐先霖及  
紳團冒雨疾進五鼓偪近賊壘及東北兩門已  
聞人聲洶洶黃仁遺等遂由城南缺處登城署  
知縣唐先霖等繼之該逆且戰且走劉光文等

由北城衝入劉興榮等繼之城賊一時俱潰或  
走新豐橋或鼻水向西南路而竄踐死溺死者  
不可勝計當將新城克復殺賊二千餘人生擒  
八百餘人救出難民千餘人該逆旋越邱家隘  
入福建之建甯縣境初八日劉于濬等進勦南  
豐踞逆以小隊誘賊於城西伏兵伺擊斬馘甚  
夥初九日席寶田飭東岸各營分路並進擊賊

於八都墟后竹等處賊匪敗潰追至大洋源斬  
其僞信天侯張在明橋背太坪埭之賊見我軍  
至依壘而陣遊擊魏玉彩等分左右路進剿遊  
擊王躍亮督戰船轟擊賊勢不支敗向水南楓  
嶺一路與僞天將林政揚合力以拒席寶田親  
統各營合擊之羣逆棄壘狂奔追至劉家灣賊  
斷橋而去敗賊不得入城而城賊爲戰船所扼

不得東援乃出悍逆萬餘圍撲城西營壘韓進  
春劉于濬等奮勇迎擊賊不能支遂潰入城十  
一日祥字營築壘於橋背街城賊出爭精殺營  
護之水師溯流而上斃賊不少十二日韓進春  
移兩營於偏左漸爲長圍之勢城逆出衆猛撲  
韓進春等率兵迎擊賊陣大亂斬馘無算追至  
城下而還是日劉勝祥聞林政揚尙踞城南五



十里之丹陽墟復追殲其後隊該逆遂入建甯  
縣境席寶田以東路已固悍逆屢犯城西十四  
日仍統隊西渡聯韓營作長濠以困之臣查精  
捷營獨力克復新城厥功甚偉提督黃仁遺徐  
生德摧鋒陷陣驍勇絕倫係一品大員應如何  
獎勵之處伏候

聖裁卽選道陳鳴志鄧子垣可否以道員留江遇缺

卽補其餘出力鎮將弁勇可否容臣擇尤請獎  
出自

鴻慈署新城縣知縣唐先霖到任甫經旬日城池塌  
損致被關入情有可原事後隨同克復尙知愧  
奮請免其置議力戰陣亡之都司邱采芹守備  
谷開文把總王豐河陳耀林懇請

飭部從優議卹軍功燕慶安請照外委例議卹均奏

上命議政王軍機大臣傳諭曾國藩左宗棠毛鴻賓  
李鴻章沈葆楨徐宗幹郭嵩燾曰江浙軍務正當  
得手賊之分竄皖南江西前後踵接甚爲可慮句  
容克復曾國藩現已飭令鮑超全軍回援江西調  
石埭二營青陽四營之兵入嶺援徽著卽嚴飭各  
員趕緊分投援剿新城克後南豐一城尙未攻克

著沈葆楨席寶田韓進春等乘各軍雲集之時速將南豐縣城攻克聚殲羣醜以絕後股竄匪黃仁遺等所帶係江忠義舊部此次獨力克拔新城甚爲得力著沈葆楨相機調遣迎探後股竄賊攔頭截擊新城餘匪與南豐分竄之賊均已由江竄走閩境建甯地方前諭左宗棠徐宗幹催調曾元福之軍以資防勦此軍何日內渡該督撫等作何調

度隨時奏聞仍恐由江竄閩之賊其勢過重則會  
元福一軍力尙薄弱著毛鴻賓飭令張運蘭速回  
福建臬司本任帶領所部迎頭堵剿使賊之竄閩  
者不得肆行奔突卽所以保完粵境並著將知府  
劉德謙添募楚勇酌定如何調撥防賊由江竄粵  
之路粵東剿除各處餘匪兵力如尙不敷須行另  
募道員唐啟蔭現在何處該員是否得力能否籌

給勇資飭令添募西勇及楚邊各勇以資調遣之處著毛鴻賓郭嵩燾酌量辦理曾國藩本日奏報有湖州克復賊悉由徽竄江金壇丹陽業經鮑超會同鎮揚兩軍克復常州亦有克復之信等語湖常兩郡克復左宗棠李鴻章想各奏報在途此時全局通籌李鴻章克復常州後即可移軍助攻金陵以圖速拔毋令大股再得竄逸擾及他處自是

第一要著如兵力有餘尙可分撥由宜溧東壩入  
皖助剿兼防本省邊境要隘皖南賊勢甚衆惟左  
宗棠克湖州後將蔣益澧等軍由浙派赴徽境會  
同會國藩調往之青陽石埭各營併力截剿尙爲  
捷近著該督等妥速籌辦並著催令劉典之軍迅  
卽取道江西與江省各軍規賊所向以爲迎擊之  
師暫歸沈葆楨調遣會國藩患病自屬實情當此

事機緊切之際全在該大臣運籌決策以竟全功  
著賞假一箇月安心在營調理其軍務要件仍可  
照常督辦金陵圍師卽責成曾國荃一手經理務  
令拊循士卒奮勉圖功如果克復准其先由曾國  
荃彭玉麟楊岳斌會銜馳奏襄樊賊勢甚衆曾國  
藩所慮賊由豫皖陸路至鳳潁廬巢一帶據船南  
渡之處本日已寄諭僧格林沁檄令陳國瑞移軍



援勦楊岳斌彭玉麟水師江面布置仍著曾國藩  
隨時籌商辦理

上又命議政王軍機大臣傳諭僧格林沁曰漢中髮  
捻各匪竄至鄧州內鄉之交襄樊賊勢甚衆慮由  
豫皖陸路衝至鳳潁廬巢一帶檣船南渡圖解金  
陵之圍皖北防勦各軍節經官文曾國藩移調湖  
北皖南現存皖北各營兵力已不甚厚金陵功在

垂成漢中髮逆人數衆多設由豫省竄入皖北勢  
將掣動大局關係匪輕鳳潁廬巢一帶爲該逆救  
援金陵陸路所必經之處防堵均形喫重喬松年  
雖在臨淮所部未必可恃陳國瑞一軍素稱得力  
且阜鳳潁廬巢一帶較近著僧格林沁酌量情形  
陳國瑞應移紮何處兵力是否足敷堵剿卽可由  
該大臣檄令遇有髮捻各逆由豫竄皖時就近由

徐宿一帶移軍援剿以資得力

上諭內閣曰賊匪踞守句容縣城負嵎抗拒提督鮑超督軍進剿立將句容縣城克復其寶堰賊壘復經鮑超率隊攻破剿辦甚屬得手所有尤爲出力之總兵馮標譚勝達唐仁廉均著交軍機處記名遇有提督缺出請旨簡放周有勝易昌煥李文益均著賞加提督銜劉順隆王衍慶張玉田均著交

軍機處存記遇有總兵缺出先行提奏參將黃海清著以副將仍留安徽儘先補用並賞給彥勇巴圖魯名號孫開華著賞加總兵銜並賞給擢勇巴圖魯名號陳永康羅運昌均著無論四川推題副將缺出先行補授羅運昌並賞加總兵銜段福著遇有副將缺出先行補授並賞加總兵銜參將唐得勝著以副將儘先補用並賞加總兵銜遊擊洪

容海著以參將儘先補用並賞加副將銜降人翟  
本邦等七名均著賞給守備銜其餘在事出力員  
弁准其查明彙案保奏陣亡知府田芬參將陽茂  
泰都司易新勝黃昌陳光謨守備向忠國均著從  
優議卹

上又諭內閣曰逆匪竄擾江西疊陷南豐新城兩縣  
提督黃仁遺等督兵進取當將新城縣城克復其

竄踞南豐之賊經席寶田韓進春等軍分路進擊  
城賊悉銳出撲官軍左右包抄殺斃無算追至城  
下四面合圍勦辦尙爲得手仍著沈葆楨督飭各  
軍迅拔南豐盡掃賊氛毋任竄逸此次克復新城  
出力之提督黃仁遺徐生德均著交部從優議敘  
卽選道陳鳴志鄧子垣均著以道員留於江西遇  
缺卽補其餘出力鎮將弁勇准其擇尤保奏署新

城縣知縣唐先霖到任甫經旬日城池塌損致被  
關入情尙可原事後隨同克復尙知愧奮著免其  
置議陣亡之都司邱采芹守備谷開文把總王豐  
河陳耀林均著交部從優議卹軍功蔣慶安著照  
外委例議卹

初六日丙子左宗棠徐宗幹奏冒查臺屬彰化斗

六等處現已克復惟首逆未擒尙須搜捕善後

事宜亦須籌辦曾元福應留臺郡所有福建水師提督一缺查有臺灣鎮總兵曾玉明堪以委令署理帶印內渡任事所遺臺灣鎮總兵請卽以曾元福署理奏入

上命議政王軍機大臣傳諭左宗棠徐宗幹曰福建水師提督卽著曾玉明署理所遺臺灣鎮總兵著曾元福署理現在江西新城克復南豐並獲勝仗



該二處竄匪陸續竄越閩省之建甯一帶地方黨  
與衆多必須厚集兵力方足以資堵剿曾元福旣  
留臺郡著左宗棠徐宗幹催令曾玉明督率所部  
將士趕緊內渡馳赴建甯一帶相機進剿毋稍遲  
延昨據曾國藩奏稱侍逆大隊由昌化竄擾徽郡  
並有湖州克復後侍堵輔三逆悉數由徽竄江等  
語湖州郡城於何日克復左宗棠諒已奏報在途

現在浙境是否一律肅清著卽迅速奏聞唐義訓  
毛有銘兩軍在徽郡勦賊竟至大挫徽休祁黟四  
城岌岌難保此時皖南賊蹤徧地兇燄甚張非厚  
集兵力不足以殄寇氛著卽調集各路兵勇馳往  
徽郡會合曾國藩現調之青陽石埭等營聯絡夾  
攻務將該逆就地殲除不可再任紛竄他處所有  
浙界防務仍著左宗棠飭令王開琳劉清亮等軍

嚴密堵遏毋令賊蹤再行入浙繞竄江西

初七日

丁丑

官文嚴樹森奏冒捻逆擊敗後分竄

河南浙川所屬之李官橋鄧州所屬之厚坡勢

愈窮蹙梁洪勝督率各營正擬出境追剿適值

漢中髮逆由河南浙川內鄉鄧州下竄於三月

十九日亦至李官橋遂勾結捻逆作爲前驅探

知襄樊已有重兵分股取道河南鄧州新野之

交乘虛闖入棗陽縣境其後隊仍在河南浙鄧  
內鄉等處賊衆數十萬蔓延數百里現在無巢  
可歸到處裏脅人數日增較鄂軍多逾十倍而  
我軍迫於餉力難以添募且連次以少禦衆傷  
亡多係精銳實屬戰守兩難髮逆自漢中東下  
始則剽疾繼則遲緩是必探明楚豫虛實以定  
趨向適僧格林沁移師洛陽以圖張總愚一股

又值楚軍全力專注襄鄖該逆乃得糾合殘捻  
取道豫南犯我邊疆圖擾腹地以救金陵是該  
逆之處處乘虛實爲狡毒楚皖有長江之險水  
路似無可虞惟陸路四通八達湖北自安麻蘄  
羅可達英霍河南自信羅光固可達六安數百  
里空虛均無一兵扼紮爲今之計先以保守漢  
黃安德四府及力扼長江廣漢爲切要之圖但

以二三萬兵力分布於一千餘里之地而欲殄  
除數十萬強寇日夜籌思實無把握鄖西盩逆  
幸未渡漢而豫軍之在荊子關者爲髮進攻破  
鄖陽防務更爲喫重襄樊係南北咽喉賊所必  
爭之地尤須鎮以重兵是以梁作相等陸師周  
有全等水師概不敢輕於移調現在擬令張啟  
基等各營礮船自襄河潰河以達長江而至潯

陽分紮江湖河汊各要隘以防沿江下竄之路  
舒保馬隊及石濟吉等各營分防德安黃州黃  
孝各路以固省城北路門戶復飛調成大吉由  
襄河水路下駛繞出賊前迎頭截勦王桐柏一  
軍已紮應城之楊家河梁洪勝一軍已令折回  
鍾祥留周鳳山一軍暫駐襄陽會同該處防軍  
遏截後路髮逆楊朝林紮棗陽以備應援並飛

谷曾國藩嚴爲準備酌派水師陸軍以收夾擊  
之效臣官文定於四月初三日起程出省先由  
水路上駛次第布置惟有激勵將士迅掃妖氛  
同日張之萬奏言張曜等軍三月二十三日馳  
抵馬山口探知張總愚向內鄉竄去正在整隊  
馳追忽大股髮逆由內鄉之西坪巡檢司赤眉  
城竄來二十四日我軍直前迎擊鏖戰四時殺



賊不計其數匪勢不支向後敗退我軍指揮前進該逆狂奔四散其後隊接應之賊一見我軍亦卽翻山向西南竄去二十五日僧格林沁大軍已到令張曜等於是夜四鼓山隊向赤眉城進剿是時內新唐鄧一帶各股髮逆陸續竄擾伏莽如林前經蘇克金派營總春壽等帶隊前赴鄧州於十五日在鄧州東北茶菴地方與賊

接仗斃匪多名十六七等日在鄧州雙橋里接  
仗均有斬擒十八日另股髮逆擾及鄧北又經  
春壽追至雙橋里斃匪百餘名二十日蘇克金  
自率馬隊馳援新野探知髮逆前股會同陳大  
禧一股已由新野東竄楚北棗隨之交後股尙  
在鄧州桑莊腰店一帶二十一夜聞該逆竄至  
城西分作四路來渡白河我軍三面兜剿斃賊

五六百名追殺十里許適署新野縣知縣方承  
宣督團接應將擊散餘匪概行斬斃會同馬隊  
仍前追壓又斃賊六七百名二十三日該逆分  
股從新野過河復經蘇克金派營總烏爾圖那  
遜出隊兜擊自率後隊接應斃賊千餘名偵知  
該逆已由新野之南新店鋪梟渡東奔向棗陽  
而去其後股髮逆尙在鄧州元店盤踞陳大禧

之後股由鄧州竄至新野之葫蘆套郭灘等處  
又髮逆一股於二十四日竄近鄧州城外經春  
壽帶隊出勦在城西之軒西里一帶勦斃馬步  
賊百餘名救出難民不少該匪疾竄新野而去  
查髮捻各逆紛竄宛南現在僧格林沁已抵馬  
山口督飭張曜等軍由赤眉城進勦復將蘇克  
金等由新鄧調回內鄉會勦探聞二十六日張

曜色爾固善善慶隨同僧格林沁大軍在赤眉  
城之西大獲勝仗餘賊折入山陬等語該處截  
勦髮逆兵力已敷而張總愚窺伺楚疆豫軍亟  
須跟追期與楚軍夾擊現飭宋慶葛承霖兩軍  
取道內鄉趕赴河口一帶盡力會勦並令連美  
賈文田馮聖傳步隊千五百人益以李承先馬  
勇二百馳赴信陽以備截擊臣於初三日由汝

州拔營取道魯山南召前往南陽督催豫軍分  
道馳追無論何賊竄至何處惟當不分畛域出  
境追擊以期痛掃狂氛均奏入

上命議政王軍機大臣傳諭僧格林沁官文曾國藩  
多隆阿嚴樹森張之萬曰逆捻被擊敗竄河南浙  
川之李官橋等處漢中逆股竄至鄧州新野之交  
適與之合乘虛闖入棗陽而賊之尾股仍在河南

內浙鄧州等處其地由湖北之安麻蘄羅可達英  
霍由河南之信羅光固可達六安到處空虛賊欲  
由豫楚以擾皖軍後路而解金陵之危計頗狡毒  
官文等以先保漢黃安德四府及力扼長江廣漢  
爲切要之圖派周鳳山等軍分駐襄陽等處布置  
均爲妥協官文現在出省督師著卽嚴督諸軍實  
力防剿盡殲醜類漢中逆匪恐與張總愚陳大澂

等均已勾合捻逆盡竄鄂疆賊勢一片恐非鄂軍  
獨力所可支僧格林沁大軍並傅振邦所帶前敵  
各營應與鄂軍如何聯絡前截後追併力攻剿著  
卽迅速籌辦仍遵前旨兼顧北路之防以備賊復  
回竄豫境張之萬前奏髮逆曾在荆子關爲李殿  
元等邀擊繞竄內鄉何以近日復有豫軍在荆子  
關爲髮逆攻破之事是否前奏諱敗爲勝著該撫



查明具奏並與僧格林沁趕緊商定督率張曜等  
與傅振邦等軍分投堵剿如須越境窮追毋得遲  
延觀望會國藩前奏會商楊岳斌彭玉麟於浦口  
以上津渡節節布置以防賊之東援此時逆黨屬  
集鄂境其由水陸下竄圖擾皖軍後路以解金陵  
之危均須加意防維不可稍涉大意陳得才等股  
既已攻破荆子關偏擾鄖境恐其後股尙復游衍

商維一帶多隆阿所派藍斯明等軍自應由後追躡與楚豫官軍前後夾擊本日又據張之萬奏追剿張總愚股匪至馬山口突遇逆匪大股截剿獲勝現在分兵剿辦等情正與此論多相符合張總愚果與髮逆竄合其由內新唐鄧一帶竄去大股卽係陳得才陳大濬等全股南趨僧格林沁已抵馬山口督率蘇克金張曜等軍於赤眉城西大獲

勝仗餘賊折入山陬避我馬隊著僧格林沁卽飭  
各軍將此入山殘匪掃除以便分兵堵截逆捻大  
股張之萬已移營南陽著飭宋慶葛承霖之軍由  
內鄉等處跟追期與楚軍會剿並令連美等馬步  
各隊馳赴信陽實力堵截賊旣由豫竄鄂豫軍分  
路馳追無論何股竄至何處總當不分畛域越境  
追擊共殄逆氛南北賊氛本相一氣值此游氛四

合各路官軍亦須會合四面兜剿以期聚殲該大  
臣督撫等其各同心齊力以赴事機是所殷望

官文又奏言提臣江長貴由皖到鄂尙未赴任  
該提督久經戰陣紀律嚴明爲諸將冠現今令該  
提督統帶原部親兵一營隨臣同行辦理行營  
翼長事務並將一切戰守機宜隨時商酌奏入

報

聞

同日沈葆楨奏言新城克復後僞王宗一股蔓延於邵武府屬建甯泰甯兩縣地面去江境均不過百餘里南豐屢經各營力攻賊仍負嵎不出臣本擬飭令精捷繼果兩營緊追僞王宗一股精毅韓字等四營猛攻南豐乃後股賊匪三月初八日忽由昌化竄至績溪極爲剽銳可饒

可廣防不勝防遂改令精毅精捷繼果三營東  
馳仍以韓字等三營留圍南豐計此檄甫經到  
營而二十日陳炳汶汪海洋等逆已及德興之  
海口十七日李侍賢黃汶金等逆已及休甯之  
巖市江省軍務實有進退維谷之勢臣祇得嚴  
催各軍迅速拔營探賊所向穩紮穩進飛催浙  
江臬司劉典江西道員王文瑞各統新募楚勇

星夜來江其接統精捷營之總兵江忠朝已報  
起程日期茲准湖南撫臣來咨復以舊傷觸發  
中止仰懇

飭下湖南巡撫催令該總兵迅速醫治稍愈卽行來  
江接統以資得力現因兵力萬分不敷祇得令  
席寶田添招二千五百人以便調遣

同日李鴻章奏言三月十九日金壇踞逆爲鮑

趙之軍偏勦翁蹙棄城出竄二十日道員吳毓  
芬探知逆衆已抵南渡距溧陽不遠恐其窺伺  
城卽帶隊三百名前往察看逆衆約二三千

人屯列南渡東北小山大股直自山下行走吳  
毓芬伏兵山後令武和勝等率數十人誘之賊  
以五百人來撲吳毓芬揮伏兵兩路衝出斃賊  
數十賊卽退走是夜復探知賊在南渡西南二



三十里之小蜀山丁上橋周城鎮等處滋擾二  
十一日吳毓芬帶隊至離城三十里之烏鴉嶺  
遙望丁上橋西尚有賊旗整隊馳剿擒斬數十  
名追過周城鎮二十五日探聞僞直王率衆約  
會常州西路孟河呂城各賊由金壇境內竄往  
廣德已至南渡占踞侍逆舊營三座並分屯山  
下各村約有萬餘人吳毓芬出賊不意自率陳

占榜等出南渡正路吳毓蘭率杜長生由山腹  
小路出南渡東南扼招仙橋以截其前羅義勝  
帶礮船及礮隊繞出南渡之後是夜二更齊至  
吳毓芬率陳占榜列隊山上令余嘉鼇率姜全  
政先圍村卡該逆睡熟悉數捨斬管賊驚覺與  
我山上之軍對擊適羅義勝礮船駛至排礮並  
發賊棄營狂走吳毓芬令羅義勝扼守南渡陳

占榜武和勝沿山搜抄賊館自帶余嘉鼈追勦  
大股時黑夜無月賊未知虛實驚竄蹂躪死亡  
枕藉四鼓至招仙橋吳毓蘭列陣截擊賊沿河  
亂竄吳毓芬等由後掩殺逆衆梟水溺斃者甚  
衆二十六日追至丁上橋又追至周城鎮四面  
兜裏賊棄械就戮已刻至建平交界已無賊蹤  
途中伏屍數十里陣斬僞直王林得善僞稭天

安黃有才僞愚天福李六僞洞天福袁明勝等  
多名皆於屍身搜得僞印生擒廣西僞天將黃  
金龍訊係金田老賊僞護駕王黃金鳳之弟卽  
行梟斬計共斃賊四五百人解散江浙被脅難  
民三四千人此次吳毓芬等以少擊衆全股殲  
除勦辦甚爲奮勉其尤爲出力之遊擊余嘉鼐  
等請先開列可否分別獎勵出自

天恩其餘出力員弁兵勇容查明彙案請獎

李鴻章又奏言自常州西南門外賊壘掃除後

臣卽督飭劉士奇等將前攻嘉興大礮在小南門安設轟擊常勝軍礮位在大南門安設轟擊劉銘傳礮隊在北門安設轟擊夜以繼日至二十二日午刻各將城垣轟坍數十丈僞護王抵堵大南門缺口僞誌王抵堵小南門缺口僞天

將費姓抵堵北門缺口拌死救護隨坍隨堵我軍屢次撲過城濠未能搶登僞誌王業經炸燬轟斃兩粵悍黨仍捨命拒守兇狡異常我軍暫行收隊休息一面飭催蘇州礮局趕製各項炸彈多備攻具剋期再舉連日城內逃出脅衆供稱護逆因丹陽被困金壇收復我軍四面密圍無路能逃堅志死守城內米糧可支數月惟油

鹽子藥久將缺乏等語查侍聽堵輔各逆現由  
湖州廣德分路上竄江西常州護誌二逆與丹  
陽僞英王叔一股本欲約會陸續併竄誠恐江  
蘇完善之區又受擾害爲患更大臣一至常州  
卽督各軍奮力攻塌西南門賊營先斷竄路然  
後嚴密合圍以冀設法剿滅該逆亡命困聚冒  
死格鬪固在意中臣惟督飭各軍穩慎以圖設

再轟擊不進卽長圍困之當有聚殲之日附近  
各城俱已收復丹陽又有馮子材富明阿派兵  
牽制僞英王叔雖擁衆三四萬屢敗之後終必  
竄走其勢似不能援常卽使來援蘇軍全力聚  
於一城尙可以分撥迎勦臣前商令黃翼升派  
淮揚水師周國興一營赴小河口查禁接濟昨  
據周國興稟稱常丹交界之奔牛孟河圩塘魏



村螺蛳灣沿江一帶賊壘俱薙髮繳印乞降周  
國興收撫降衆一萬餘人分別遣散並留守要  
隘丹陽來路已斷北竄更可無虞

李鴻章又奏冒嘉興復後臣因湖州尙有餘匪  
踞守商令李朝斌派太湖水師在湖面梭巡防  
剿因湖州濱湖之錢漚有賊竄踞並築石壘三  
座三月十六日水師往剿賊衆迎敵開礮狂轟

賊漸不支我軍乘勝登岸追斬頗多卽將石壘  
踏毀又聞大錢口內楊漚踞賊築壘一座十九  
日水師以兩營登岸設伏桑林中兩營對壘轟  
擊賊始猶抵禦適伏兵由林中突出槍礮齊施  
賊遂棄壘狂奔追殺無算查蘇常各屬濱湖地  
界甚多湖州踞賊未除防勦未可稍懈仍飭李  
朝斌督令各營嚴密梭巡以期周密均奏入

上命議政王軍機大臣傳諭曾國藩左宗棠毛鴻賓  
李鴻章沈葆楨惲世臨徐宗幹郭嵩燾曰江西官  
軍自克復新城後南豐一城尙復堅持未下而廣  
饒警報接踵而來陳炳汶汪海洋已竄至德興之  
海口李侍賢黃汝金已及休甯之巖市賊氛過重  
沈葆楨現以韓宇等營留圍南豐而檄精毅精捷  
繼果三營東馳卽著嚴飭各軍迅速拔營前赴德

興一帶擱頭截勦總須穩慎堵遏毋令蔓及腹地  
仍一面飭韓字等軍迅拔南豐以免後股踵至曾  
國藩前奏賊犯徽城唐義訓毛有銘兩軍大挫以  
徽浙之軍層層布置尙不能力退奔突此時已入  
江境而侍逆等復陸續上犯江右兵力單微豈能  
當此巨寇曾國藩前於句容克復後飭鮑超全軍  
回援江西此軍是否業已拔營著曾國藩檄令迅

赴事機與江西官軍前後夾擊痛加剿洗並飭皖南防軍將竄至休甯之李侍賢等逆攔頭截擊以免其接踵上竄左宗棠前於桐嶽一帶已調劉清亮等軍馳往扼守賊之由昌化入徽者絡繹而來在防各軍曾否扼剿劉興已酌帶所部起程王文瑞新募之勇亦由湖南籌給行資催令趕緊料理何以至今均無人江消息著左宗棠憚世臨檄飭

兼程前進並由沈葆楨一面迎催飭令視賊趨重  
何路卽由何路截勦江忠朝已報起程因舊傷觸  
發中止著憚世臨催令該總兵趕緊醫治稍痊卽  
行赴江接統江忠義舊部以資得力僞王宗一股  
蔓延福建之建甯泰甯兩縣曾玉明內渡之軍徐  
宗幹催令督率所部馳赴建甯一帶痛加勦洗如  
曾玉明年老不能得力卽著左宗棠徐宗幹另選

將材派往毋稍遲延現在閩邊喫重著毛鴻賓仍飭張運蘭速回本任迅統所部卽赴建甯與曾玉明妥籌會擊不准輾轉耽延貽誤大局其粵東毗連江閩各邊並著毛鴻賓郭嵩燾嚴密布置豫籌分扼以杜窺伺之路金壇敗賊與常州西路餘賊將竄赴廣德圖合侍逆之黨道經南渡爲駐防溧陽之吳毓芬等截剿全股殄除剿辦甚爲得手各

路官軍若於敗賊紛竄均能如此剿除不令善脫  
則賊數日減何至殘寇復張嗣後遇有此等竄賊  
著李鴻章卽飭各軍攔截聚殲毋任竄逸常州圍  
攻甚緊轟塌城垣數處皆爲護誌等逆糾衆堵護  
丹陽未克湖州踞賊未除曾國藩前奏丹陽湖州  
收復常州亦有收復之信自係傳聞之誤現在常  
賊米糧雖可支數月而油鹽子藥久將缺乏已成



坐困李鴻章籌備攻具尅期再舉卽著督飭諸軍  
穩慎轟擊期拔堅城仍當嚴斷竄路以免旁逸湖  
州未復而賊之大股已陸續上竄湖賊勢難堅守  
浙軍剿辦情形現在究竟若何著左宗棠速催蔣  
益澧等軍乘賊勢瓦解併力攻擊以圖克復徽浙  
之交一面催令防軍嚴密堵遏以防敗賊踵竄如  
兵力不敷添派數營前往與皖軍聯絡扼截著左

宗棠妥速調派李朝斌太湖水師疊破湖州濱湖  
之錢漚楊漚等處賊壘仍著李鴻章督令相機進  
取並於濱湖地方嚴密梭巡防其內犯蘇浙軍情  
左宗棠李鴻章務須隨時咨會曾國藩與皖軍聲  
息聯絡通籌大局援剿兼施

上諭內閣曰江蘇金壇縣克復後敗賊糾約二三千  
人屯踞南渡東北小山大股則自山下行走意圖

肆擾經道員吳毓芬等設伏誘賊分路進攻斬僞  
直王林得善等於陣餘匪殲滅殆盡勦辦尙爲得  
手此次尤爲出力之遊擊余嘉鼇著以參將補用  
並賞加副將銜參將陳占榜著賞戴花翎都司羅  
義勝著以遊擊儘先補用並賞加參將銜守備武  
和勝著以都司儘先補用並賞換花翎記保守備  
姜全政千總杜長生均著以守備儘先補用並賞

戴藍翎其餘山力員弁兵勇並著李鴻章查明彙  
案請獎